

բարձուքը, բայց այնքան քիչ են ցանում, որ արտահանութեան կարիք չի լինում:

Կրօնափոխութիւնը, լեզուի փոփոխութիւնը Տայեցի կալուածատէր իշխանի համար տարազի նման է եղել, հետեւել է իշխողներին, բայց ո՛չ մի կրօն այնտեղ հիմունք չէ դրել. նա միմիայն հպատակութեան ձեւ է, ուրիշ ոչինչ: Կրօնական համոզումները եւ հաւատալիքները չեն քարացել կամ ամբացել Կիսկիմում, այլ ծիսականութեան ձեւեր են դարձել: Այսօրուան իսլամացած եւ թրքախօս ժողովուրդը աւելի ջրապաշտ եւ արեւապաշտ ժողովուրդ է, աւելի մեծ յարգանք է տալիս սրանց պարարտացրած եւ կենդանացրած հողին, քան թէ Ղուրանի պատուիրաններին:

Պահլաւ, Բազրատունի, Կամսարական, Մամիկոնեան եւ բոլոր իշխանական տները տքնում էին ժողովրդին անպայման քրիստոնէացնել, նրանց գաղափարական քրիստոնեայ դարձնել, որ կարողանան հոռմէական կալուածատիրական օրէնքներն ու կարգերը գործադրել, բայց բնակչութիւնը հակառակ էր հոռմէական կալուածատիրական բոլոր կարգերին. ձգտում էր ունենալ պարսկական գրադաշտական կրօնը, քանի որ վերջինս գեղացու — երկրամշակի հողի վրայ ունեցած իրաւունքներն էր պաշտպանում եւ ստիպում էր իշխանութեանը հողից միմիայն մի տասներորդը պետական հարկ վերց-